

UGOVOR

Br: 0602-319-5/18

o javnoj nabavci usluga izrade glavnog izvedbenog projekta za proširenje parkinga na groblju Vlakovo

UGOVORNE STRANE:

UGOVORNI ORGAN: KJKP «POKOP» d.o.o. Sarajevo, Mula Mustafe Bašeskije 38, kojeg zastupa direktor Goran Cerić (u daljem tekstu: Ugovorni organ)
ID broj: 4200119040004; porezni broj PDV: 200119040004

DOBAVLJAČ: „HS INŽENJERING“ d.o.o. Sarajevo, ul. Ferde Hauptmana 7, kojeg zastupa direktor Sead Halilović dipl.inž.građ. (u daljem tekstu: Dobavljač)
ID broj: 4202232780009, porezni broj PDV: 202232780009.

UVODNE ODREDBE

Član 1.

Ugovorne strane sklapaju ovaj Ugovor na osnovu provedenog direktnog postupka za javnu nabavku usluga izrade glavnog izvedbenog projekta za proširenje parkinga na groblju Vlakovo, Odluke o izboru najpovoljnijeg ponuđača, broj: 0602-319-4/18 od 02.02.2018. godine, te prihvaćene ponude Dobavljača broj: 0602-319-3/18 od 31.01.2018.godine koja je sastavni dio ovog Ugovora.

PREDMET UGOVORA

Član 2.

Predmet ovog Ugovora je nabavka usluga izrade glavnog izvedbenog projekta za proširenje parkinga na groblju Vlakovo, a prema prihvaćenoj ponudi dobavljača sa projektnim zadatkom, koji čini sastavni dio ovog Ugovora.

UGOVORENA CIJENA

Član 3.

Ugovorena cijena za usluge iz člana 2.ovog Ugovora iznosi:

Cijena usluga koja su predmet ovog Ugovora bez PDV-a iznosi 5.800,00KM.
PDV na ponuđenu cijenu usluga iznosi 986,00KM.
Cijena usluga koja su predmet ovog Ugovora sa PDV-om iznosi 6.786,00KM.

PLAĆANJE

Član 4.

Ugovorni organ će plaćanje cijene iz člana 3. ovog Ugovora izabranom Dobavljaču izvršiti nakon izvršene usluge izrade glavnog izvedbenog projekta za proširenje parkinga na groblju Vlakovo, utvrđujući na način da će se 50% , ukupne vrijednosti ponude platiti nakon prijama projektne dokumentacije, u roku od 10 (deset) dana računajući od dana nakon prijema uredno ispostavljene fakture za izvršene usluge, 50% ukupne vrijednosti ponude platiti nakon revizije projekta i ispravke eventualnih primjedbi na reviziju, u roku od 10 (deset) dana računajući od dana nakon prijema uredno ispostavljene fakture za izvršene usluge.

ROK REALIZACIJE

Član 5.

Dobavljač se obavezuje da će usluge definisane članom 2. ovog Ugovora izvršiti u roku od 30 (trideset) kalendarskih dana od dana davanja potrebnih podataka od strane Naručioaca.

Rok izvršenja usluga je u skladu sa rokovima datim u Projektnom zadatku, a prema dinamici koja je detaljnije utvrđena projektnim zadatkom koji je sastavni dio ove tenderske dokumentacije. Rokovi teku nakon obostranog potpisivanja ugovora o javnoj nabavci.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog Dobavljača isti će platiti ugovornu kaznu u skladu sa Zakonom o obligacionim odnosima u iznosu od 1‰ naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe.

Odabrani Dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvidjeti.

OSNOVNE OBAVEZE DOBAVLJAČA

Član 8.

Dobavljač se obavezuje da:

- projektno – tehničku dokumentaciju izradi stručno, kvalitetno i na vrijeme u skladu sa važećim tehničkim i zakonskim propisima i projektnom zadatku;
- izvrši doradu, dopuni ili izmjenu dostavljene projektne – tehničke dokumentacije u skladu sa primjedbama komisija za internu i eksternu reviziju imenovanu od strane naručioca u roku od 10 dana o dostavi izvještaja o reviziji;
- ugovorene poslove obavlja u zahtjevanom roku.

OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 3. ovog Ugovora), te da:

- Izvrši internu reviziju dostavljene projektne – tehničke dokumentacije glavnog projekta u roku od 10 dana od dostave projekta tehničke dokumentacije.
- Organizuje eksternu reviziju dostavljene projektne tehničke dokumentacije glavnog projekta u roku u skladu sa utvrđenom dinamikom.
Ugovorni organ zadržava pravo da sam odredi rok za izvršenje eksterne revizije imajući u vidu dužinu postupka ugovaranja;
- Sačini i ovjeri zapisnik o izvršenim uslugama.

RASKID UGOVORA

Član 10.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši usluge kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi. Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo oštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period od 30 dana, počev od dana potpisivanja istog.

Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN:

KJKP «POKOP» d.o.o. Sarajevo


Direktor Goran Cerić

Broj, 0602-319-5/18
Sarajevo, 13.02.2018. god.

DOBAVLJAČ:

HS INŽENJERING d.o.o. Sarajevo


direktor Sead Halilović dipl.ing. građ.

Broj, 022/18
Sarajevo, 13.02.18 god.